


Blue residences, Isla 360 y Kitchen Table

Artistanan local lo wordo presenta tur luna



ORANJESTAD- Un comunicado di prensa ta informa cu na Blue Residence cual ta un hotel condominium cu a habri nobo y Kitchen table conhuntamente cu Isla 360 art & lifestyle a uni forsa hunto pa exposicion di artistanan local wordo expone na e luganan aki.

Tur luna lo tin exposicionnan. E prome exposicion a wordo presenta 5 di november ultimo. E tabata un exposicion den grupo cu 5 artista. E artistanan cu a presenta e biaha aki tabata Luis Mesquita, Gabriela Britto, Shanna Kraaijeveld, Maria Onno y Maja. Plannan ta pa den futuro

presenta exposicionnan solo di nan artista di luna y esaki lo decora e murayanan di Kitchen Table, dunando oportunidad asina na esunnan cu bin come pa gosa di e diversidad y creatividad presenta pa artistanan cu lo presenta sea den pintura, fotografia of escultura. E lista di participantenan di futuro ta consisti di artistanan naci y biba na Aruba como tambe di

varios artista cu a haci Aruba nan cas. E coleccion presenta actualmente por ehempel ta un combinacion di Argentina, Uruguay y Merca y e plan ta pa incorpora nan

tradiccionnan culinario tambe den e platonan cu lo wordo presenta pa e luna aki Tur esunnan cu ta forma parti di e proyecto aki ta sumamente orguyoso pa introduci e el-

emento visual y haci di cena un experiencia memorabel.. Pa e motibo ey mes nan ta invita un y tur pa pasa purba y disfruta di e mundo nobo aki di un cena artistico. □